



Na osnovu člana 27. stav (2) i člana 62. Zakona o državnoj službi u Federaciji Bosne i Hercegovine („Službene novine Federacije BiH“ br. 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj: U-13/16), a u vezi sa članom 11. stav (3) Uredbe o kriterijima za utvrđivanje liste eksperata sa koje se imenuju članovi komisije za izbor državnih službenika („Službene novine Federacije BiH“, br. 40/14 i 12/19), direktor Agencije za državnu službu Federacije Bosne i Hercegovine donosi:

ODLUKU

o produžetku važenja Liste eksperata za izbor rukovodećih i Liste eksperata za izbor ostalih državnih službenika u komisije za izbor

Član 1.

Produžuje se važenje Liste eksperata za izbor rukovodećih državnih službenika i Liste eksperata za izbor ostalih državnih službenika, broj: 05-30-8-326-2/23 od 25. maja 2023. godine („Službene novine Federacije BiH“, broj 42/23), za članove komisija za izbor za provođenje stručnog ispita u proceduri odabira kandidata za prijem u organe državne službe.

Član 2.

Ova odluka donosi se u svrhu zakonitog izvršavanja nadležnosti Agencije i osiguranja kontinuiteta u provođenju postupaka izbora rukovodećih i ostalih državnih službenika u organe državne službe u Federaciji BiH, a primjenjuje se shodno članu 11. stav (3) Uredbe o kriterijima za utvrđivanje liste eksperata sa koje se imenuju članovi komisije za izbor državnih službenika.

Član 3.

Ova odluka primjenjivaće se do donošenja nove Uredbe o kriterijima za utvrđivanje liste eksperata sa koje se imenuju članovi komisije za izbor državnih službenika ili uspostave nove Liste eksperata.

Član 4.

Ova odluka stupa na snagu danom donošenja, a objaviće se na službenoj web stranici Agencije za državnu službu Federacije Bosne i Hercegovine.

Broj: 01-30-8-705/25

Sarajevo, 04.06.2025. godine

DIREKTOR

Refik Begić, magistar uprave, s.r